

## MISSINGIUT

### **Ataatassarsiuinermit anaanaaqataanermullu tunngatillugu Naalagaaffiup sinniisaata suliarinnittarnera pillugu nalunaarut Kalaallit Nunaannut atuuttusaaq**

Meeqqanut inatsimmi § 33 Kunngip peqqussutaa nr. xx. Xx 2024-imeersoq Kalaallit Nunaannut attuuttussanngortitaasoq naapertorlugu, aalajangiunneqarput:

#### Kapitali 1

##### *Nalunaarutip atuuffissai*

**§ 1.** Nalunaarut una atorineqassaaq Naalagaaffiup sinniisaata ataatassarsiuinermit anaanaaqataasumillu tunngasunik suliaqarnerani.

#### Kapitali 2

##### *Ataataasumik anaanaaqataalernermillu suliat annertunerusumik misissuiffigisariaqanngitsut akuersissusiorluni suliarinerini.*

**§ 2.** Isumassuisuunermik akisussaasuunermillu § 14, imm. 1 naapertorlugu uppersaat, immersugassiaq atorlugu Naalagaaffiup sinniisanut ingerlatinneqassaaq, tak. § 20, nr. 1 imal. 2.

*Imm. 2.* Imm. 1 malillugu isumassuisuunermik akisussaasuunermillu nalunaarut pereerpat, taannalu Naalagaaffiup sinniisaanit atsiorneqarluni ullulernerqarlunilu tunniunneqareeraangat, tak. § 5, peqqussutillu naapertorlugit ataataasumik anaanaaqataasumillu akuersaarinninnerit pisinnaalerlutik, Naalagaaffiup sinniisaanit angajoqaajusut tamamatuminnga ilisimatitsissuteqarfigissavai.

**§ 3.** Peqqussutit § 14, imm., 2, nr. 1, imm. 4, nr. 1, imal. imm. 5 naapertorlugit ataataasumik anaanaaqataasumillu akuersinnerit Naalagaaffiup sinniisaanut immersugassiaq atorlugu ingerlatinneqassaaq, tak. § 20, nr. 3 imal. 4.

*Imm. 2.* Imm. 1 malillugu akuersineq pissaaq, Naalagaaffiup sinniisaata akuersineq atsiugaq ulluligarlu tak. § 5, tigoreerpagu, peqqussummilu piumasarisaasut ataataasumik anaanaaqataalersumillu akuersinermi malinneqarsimappata, taava meeqqap angajoqqaavi tamatuminnga ilisimatinneqassapput.

**§ 4.** Peqqussummi § 14, imm. 3 imal. 6 malillugu isumassuisuunermik akisussaasuunermillu uppersarsaassiissut, Naalagaaffiup sinniisaanut tunniunneqassaaq, tak. § 20, nr. 1 imal. 2.

*Imm. 2.* Isumassuisuunermik akisussaasuunermillu nalunaarusiaq imm. 1 naapertorlugu naammassineqassaaq, Naalagaaffiup sinniisaa tamatuminnga atsiugaallunilu ulluliugaasumik tigusaqarpat, tak. § 5. Peqqussummi imm. 1-imilupiumasarisaasut ataataasumik anaanaaqataalersumillu akuersinermi malinneqarsimappat, taava meeqqap angajoqqaavinut tamanna pillugu ilisimatitsissuteqassaaq.

*Imm. 3.* Ataataasumik anaanaaqataalersumillu akuersissummik atuutsitsineq peqqussut § 14, imm. 3 imal. 6, immersuiffissiaq atorlugu tunniunneqassaaq, tak. § 20, nr. 5 imaluunniit 6. Immersugassiamillu atsiuisuussaaq inuk akuersisumit, allamit ataataasumik anaanaaqataalersumillu, akuerinnittumit. Atsiuinerit ulluliinerlu pineqartut sinnerlugit sassarsinnaatitaasumit imal. uppersarsaallutik atsiortunit marluusunit uppersarsarlugu akuerineqassaaq, atsiortussat Naalagaaffiup sinniisaanik imal. tassannga akuerineqarluni toqqakkamik ataatsimeeqateqarnermi atsiorsimangippata.

**§ 5.** § 2, imm. 1, § 3, imm. 1 aamma § 4, imm. 1 malillugit immersugassiaq angajoqqaajusunit tamarmiusunit atsiorneqassaaq. Atsiuinerit ulluliinerlu pineqartut sinnerlugit sassarsinnaatitaasumit imal. uppersarsaallutik atsiortunit marluusunit akuerineqassaaq, atsiortussat Naalagaaffiup sinniisaanik imal. tassannga pineqartut akuerineqarluni siinniisaasumik ataatsimeeqatigiinnermi atsiorsimangippata.

### Kapitali 3

*Suliat ataataasumik anaanaaqataalersumillu akuersinissamut  
suliarinneqqinnissamik pisariaqartitsiviusut*

**§ 6.** Kina meeqqamut ataataaneramik anaanaaqataaneranillu paasissutissiat naammagineqanngippata, taava anaanaasoq piaarnerpaamik Naalagaaffiup

sinniisaanit ataatsimeeqatiserineqassaaq. Aggersaaneq allaganngorlugu nassiunneqassaaq, imaqassallunilu ilitsersuutininik, tassani ersissalluni ilisimatitsissut anaanaasoq agginggippat suliaq eqqartuussivimmut tunniunneqarsinnaasoq.

*Imm. 2.* Ataatsimiinneq ingerlanneqassaaq kingusinnerpaamik meeqqap inuuneranit qaammatit sisamat iluanni, allatut aporfiusinnaasunik immikkuullarissunik pisoqanngippat.

*Imm. 3.* Anaanaasoq akuerineqarsinnaasumik tunngaveqanngitsumik ataatsimiinnissamut takkutinnngippat, nutaamik aggersaassummik nassitsivigineqassaaq. Aggersaaqqissummi Nalagaaffiup sinniisaata ilitsersuutigissavaa, ataatsimiinnissamik nutaamik allanneqartoq malinneqanngippat, tassalu aggersagaasoq anaanaq takkunnani, taava suliaq eqqartuussivimmut suliassanngortinneqassammat, erseqqissarneqarlutillu pinngitsaaliissutaasinnaasut Kalaallit Nunaanni inatsisit malillugit § 150 malillugu eqqartuussivimmit iliuuseerineqarsinnaasut.

**§ 7.** Naalagaaffiup sinniisaa anaanaasumit akuerineqarnikkut nakorsamut paasiniaasinnaavoq, naartulerneq qaqugukkut pisimanersoq.

**§ 8.** Anaanaasup kina meeqqamut ataataasinnaasoq kinaluunniit anaanaaqataasuusinnaanersoq pillugit paasissutissanik tunniussinnngippat, tak. peqqussummi § 8, taava tamanna Nalagaaffiup sinniisaata eqqartuussivimmut suliassanngortissavaa. Tamatumalu saniatigut Naalagaaffiup sinniisaata anaanasooq ilisimatissavaa suut pinngitsaaliissutitut eqqartuussiviup Kalaallit Nunaanni eqqartuussisarnermi inatsimmi § 150 tunngavigalugu atorsinnaagai.

*Imm. 2.* Suliamut atatillugu Nalagaaffiup sinniisaata paasissutissanik piniarsarinera politiit suleqataaffigissavaat, tamatuma ataani ataataasuusinnaasunik anaanaaqataasinnaasunillu periarfissaasunik ujartueqataallutik.

**§ 9.** Naalagaaffiup sinniisaata allaganngorlugit isumagissavaa ataataasinnaasumut anaanaaqataasinnaasumulluunniit ilitsersuinissaq, tamatuma iluani aamma ilanngullugit ataataasumut anaanaaqataasumullu inatsisitigut kingunerusinnaasut, ataataasoq anaanaaqataasorluunniit akuerineqanngippata.

*Imm. 2.* Naalagaaffiup sinniisaa, suut qanoq innerat apeqqutaatillugu, meeqqamut ataataasinnaasoq aamma anaanaaqataasinnaasoq ataatsimiigjaqqullugit aggersarsinnaavai. Ataatsimiigjaqqusineq allakkatut ingerlatinneqassaaq imm. 1-imilu ilitsersuutitut atorneqartut assinginik taanna imaqassallunittaaq. Naalagaaffiup siinniisaata aamma ilitsimatitsissutigissavaa, ataatsimiigianngitsoorneq eqqartuussisivimmut suliassanngortinneqarsinnaammat.

**§ 10.** Peqqussut § 14, imm. 2, nr. 2, aamma imm. 4, nr. 2 naapertorlugit ataataassutsimik akuerinninneq, immersugassiaq atorlugu Naalagaaffiup sinniisaannut tunniunneqassaaq, tak. § 20, nr. 3, taannalu angummit pineqartumit atsiorneqassaaq, kiisalu § 5 atorneqassaartaaq.

*Imm. 2.* Akuersineq naammassineqassaaq, Naalagaaffiup sinniisaanit akuersineq atsiugaasoq ulluligaasorlu tiguneqarpat. Peqqussummi piumasarisasut ataataassutsimik akuersinermik naammassinnippata, taava Naalagaaffiup sinniisaata tamanna angajoqqaajusunut ilisimatitsissutigissavaa.

## Kapitali 4

### *Aaliangersakkat assigiinngitsut*

**§ 11.** Meeqqamut ukioqqortuujunngitsumut oqartussaasutut paaqqinnittut akuersissussisutut ataataasumik anaanaaqataasumilluunniit akuerserusunneq allaganngorlugu nalunaarutigineqassaaq, tak. peqqussummi § 14, imm. 8, 2. imm. Ataataasumik anaanaaqataasumilluunniit immersugassiaq atorlugu akuerineqarpat, tak. § 20, nr. 1, 2, 3 imal. 4, taaava akuersineq immersuiffissiamut allanneqarsinnaavoq.

*Imm. 2.* Oqartussaasutut meeqqamik ukioqqortuujunngitsumik paarsisoq allamit ataataasumik anaanaaqataasumilluunniit akuersisumut peqataarusuppata, tamanna allaganngorlugu tunniunneqassaaq, tak. § 4, imm. 3. Tamanna pissaaq immersugassiamik atsiuilluni.

**§ 12.** Attuumassuteqartuusut arlaat nunami allamiippat, Naalagaaffiup siinniisaa nunamiiffigisaani qallunaat aallartitaqarfiannut qinnuteqarsinnaavoq tassannga suliap ingerlannerani ikiuunnissaat pillugu. Pineqartoq Savalimmiuniippat Danmarkimiilluniluunniit Savalimmiuni Naalagaaffiup

sinniisaa imal. familieretshusimik taaneqartartoq (Ilaqutariinnik inatsisigut siunnersuisarfik) qinnuigisinnaavaa suliap ingerlannerani ikioqqulluni.

**§ 13.** Peqqussummi §§ 27, 27 a aamma 27 b naapertorlugit ataataasumik anaanaaqataasumilluunniit akuerinninnermi ikiorneqarluni naartuniarsarinnermi allatulluunnii peqqinnissaqarfik suleqatigalugu ingerlanneqartumi imal. peqqinnissaqarfimmi akisussaasumit naartulerniarneq ingerlanneqarpat, tassanilu ataataasusaaq imal. anaanaaqataalersusaaq akueralugit, taava akuersinermut uppersaatsissiaq atorlugu akuersineq ingerlanneqassaaq, tak. § 20, nr. 7 imal. 8, taannalu Nalagaaffiup sinnissaanut ingerlatinneqassalluni. Naartulersitsiniarneq Danmarkimi ingerlanneqarsimappat, akuersinermik immersugassiaq ataataasumillu nalunaarutiginnissut saqqummiunneqarluni takutinneqassaaq meeqqanut inatsimmi § 33, imm. 2-mi piumasarineqartoq malillugu. Immersukkap assilinera tassani atorneqarsinnaavoq. Naalagaaffiulli sinniisaa pineqartoq pillugu akunnattooruteqaruni atsiugaviusoq saqqummiuteqqullugu piumasaqarsinnaavoq.

*Imm. 2.* Imm. 1-imi allassimasoq malillugu immersugassiaasoq angajoqqaanit illugiissunit atsiorneqassaaq taamaattoqarpallu anisuumik tunniussisortaaq, taanna ilisimaneqarpat. Atsiornerit ulluliinerullu eqqortuuneri attuumassuteqartut sinnerlugit eqqartuussivimmi sassarsinnaatitaasumit uppersarneqassaaq imal. uppersaasut marluk atsiortinneqassallutik, atsiornerit peqqinnissaqarfimmi sulisunik ataatsimeeqatiginninnermi pisimangippata. Immersugassiarlu peqqinnissaqarfimmi sulisumit atsiorneqarsimassaaq. Peqqinnissaqarfimmi sulisut pisumi angajoqqaajusunik siunnersuisuussapput.

## Kapitali 5

### *Suliap naammassinera*

**§ 14.** Ataataaneq imal. anaanaaqataaneq meeqqap inunngornerata kingorna Naalagaaffiup sinniisaanut akuerineqarluni nalunaarutigineqarpat, taava Nalagaaffiup sinniisaata tamanna Qitiusumik Inuit Allattorsimaffianut (Den Centrale Personregister) nalunaarutigissavaa.

*Imm. 2.* Meeraq nunami allami najugaqarpat, Qitiusumik Inuit Allattorsimaffiani inatsit naapertorlugu Kunngip peqqussuteqarneratigut Kalaallit Nunaannut atuuttumi inuttut normuligaalluni allassimalluni, taava

Naalagaaffiup sinniisaata ataataasup kinaanera imal. anaanaaqataasup kinaanera tassunga nalunaarutigissavaa.

**§ 15.** Suliaq eqqartuussivimmut tunniunneqarsimappat, tak. § 13, piffissaliissutaasoq qaangerneqarpat, eqqartuussiviup imal. suliareqqiineq naammassippat, Qitiusumik Inuit Allattorsimaffiannut nalunaaruteqassaaq paasissutissiissutigalugu, kina meeqqamut ataataasutut imal. anaanaaqataasutut allanneqarsimasut. Ataataasoq anaanaaqataasorluunniit eqqartuussivimmut nalunaarutigineqarpata, taava tassannga isumagineqassaaq Qitiusumik Inuit Allattorsimaffiannut tamatuminnga nalunaarutiginninnissaq.

*Imm. 2.* Eqqartuussivimmit suliaq nammassineqarpat, ataataasup anaanaaqataasulluunniit kikkuuneri inissinnagit, meeqqallu inunngornera inatsisartut toqusunik, ilisaasunik iliveqarfefarfinnullu nalunaarutiginninnissamik, inatsisaat malillugu, Naalagaaffiup sinniisaata tamanna palasimut oqaluffiup allattuiffianik isumaginnittumut, eqqartuussivimmit ilisimatitsissut tiguguniuk, tassunga ilisimatitsissuteqassaaq.

**§ 16.** Naalagaaffiup sinniisaata nalileruniuk, paasissutissiissutit eqqartuussiviup aaliangiinissaminut kia ataataaneranut anaanaaqataaneranulluunniit tunngasut pisariaqartitai tunniussinnaanagit, taava Naalagaaffiup sinniisaata suliaq illikartissinnaavaa.

*Imm. 2.* Suliaq illikartinneqarpat Naalagaaffiup sinniisaata meeqqap anaanaa tamatuminnga ilisimatitsissuteqarfigissavaa. Meeqqap inunngornera Inatsisartut inunngortut, toqusut, ilisaasut iliveqarfiillu pillugit inatsisaat malillugu nalunaarutigineqarsimappat, Naalagaaffiup siinniisaata palasi oqaluffimmi allattuiffimmik isumaginnittuusoq tamatuminnga aamma ilisimatitsissuteqarfigissavaa.

## Kapitali 6

*Ataataasup anaanaaqataasullu kikkuunerinik nalunaarsuinissamut akerliliineq  
kiisalu ataatassarsiuinermik anaanaaqataasussarsiuillunilu suliap  
nangeqqinnera*

**§ 17.** Peqqussutit §§ 5-6 a malillugit sulianik ingerlatsinerni, tassungalu attuumassuteqartut arlaat ataataassutsimut anaanaaqataanermullu atatillugu

Naalagaaffiup sinniisaanut suliassamik qaqitsilluni, aamma ataataassutsimik anaanaaqataasumillu tunngasunik peqqussutit §§ 21-25 malillugit sulianik nangeqqiinissaq pineqartillugu maleruagssat §§ 2-5, § 6, imm. 1 aamma 3, aamma §§ 7-16 og 18-21 atorneqassapputtaaq.

## Kapitali 7

### *Nunanut allanut iliuuseqarsinnaatitaaffiit*

**§ 18.** Kalaallit Nunaanni eqqartuussisarnermi inatsimmi § 273-imi piunasaqataasut malinneqarpata, Naalagaaffiup sinniisaa ataataassarsiuinernik anaanaaqataasussarsiornermillu sulianik ingerlatsisinnaavoq.

## Kapitali 8

### *Nalagaaffiup siniisuata suliai pillugit naammagittaalliorneq*

**§ 19.** Nalagaaffiup sinniisaata suliaanik naammagittaalliutit tassunga imminermut saaffiginnissutigineqassapput, taassumalu naammagittaalliutaasoq suliamullu attuumassuteqartut Familieretshuset-imik taaneqartumut (inatsisinik ilaqutariinnut sammisunik siunnersuisarfik) ingerlateqqissavai, tassanilu nammagittaalliutip suliarineqarnissaa piareersarneqassaaq social- aamma boligministerimut aaliangiiffigisassanngorlugu ingerlateqqitsinnagu.

*Imm. 2. Ataani taaneqartut pitillugit Naalagaaffiup sinniisaata naammagittaalliut suliaralugit nangeqqissinnaavai:*

- 1) Naammagittaalliut qinnuteqaammik imaqarpat, Nalagaaffiup sinniisuata siusinnerusukkut isummerfigisimanngisaanik.
- 2) Naammagittaalliut paasissutissanik nutaanik pingaaruteqartunik imaqarpat.
- 3) Paasissutissanik pingaaruteqartunik, Naalagaaffiup sinniisaannit isummerfigineqarsimanngitsunik imaqarpat.
- 4) Suliarinninneq kukkuneqarsimappat, maalaarutip suliarinerani aaliangiinissamut pingaaruteqarsinnaasunik.

*Imm 3.* Naammagittaalliuteqartup social- aamma boligministerimut Naalagaaffiup sinniisaata aaliangiussinerata suliarineqaaqqinnissaa imm. 2 naapertorlugu saaffiginnissutigisinnaavaa.

## Kapitali 9

### *Immersugassiat toqqorterinerillu*

**§ 20.** Ataani immersugassiat social- aamma boligministerimit akuerineqassapput, tak. peqqussummi § 33, imm. 2, imm. siulleq:

- 1) Ataataasumut atatillugu paaqqinnittuunermik akisussaasuunermillu uppersaaffissiaq.
- 2) Anaanaaqataasumut atatillugu paaqqinnittuunermik akisussaasuunermillu uppersaaffissiaq.
- 3) Ataataasumik akuerinninnermi immersugassiaq.
- 4) Anaanaaqataasumik akuerinninnermi immersugassiaq.
- 5) Ataataasumik atuutitsilernermi immersugassiaq.
- 6) Anaanaaqataasumik atuutitsilernermi immersugassiaq.
- 7) Ikiorneqarluni naartulersinneqarnissamut aallatulluunniit iliornikkut naartulersinniarneqarnissamut imaluunniit peqqinnissaqarfik akisussaasoralugu ingerlasussamik akuersilluni immersugassiaq aammalu ataataasup kinaassusilerneqarneranut atatillugu immersugassiaq.
- 8) Ikiorneqarluni naartulersinneqarnissamut allatulluunniit iliornikkut naartulersinniarneqarnissamut imaluunniit peqqinnissaqarfik akisussaasoralugu ingerlasussamik akuersilluni immersugassiaq aammalu anaanaaqataasup kinaassusilerneqarneranut atatillugu immersugassiaq.

**§ 21.** Nakkutilliisuunermik akisussaasuunermillu nalunaarutiginninnermi immersugassiaq aammalu ataataasup anaanaaqataasullu kikkuunerinik akuersinnermi immersugassiaq, Naalagaaffiup sinnisuanit tiguneqartussaq, ukiuni 30-ini toqqorsimatinneqartussamik

## Kapitali 10

### *Atuutitsilernermi aammalu ikaarsaarnermi aaliangersakkat*

**§ 22.** Nalunaarut atuutilissaaq ulloq 1. april 2024.

**§ 23.** Nalunaarut atorineqassanngilaq ataataasarsiuilluni suliani, meeqqanut, 1. april 2024 sioqqullugu inunngortunut, takuulli imm. 2.



*Imm. 2.* Nalunaarut aamma atorpeqassaaq § 22 naapertorlugu meeqqat 1. april 2024 sioqqullugu inunngortunut atatillugu suliareqqinneqartunut.

*Imm. 3.* Nalunaarut atorpeqassanngilaq ataatassarsiuilluni anaanaaqataasussarsiorlunilu sulianut, pineqartillugit naartulersitsiniarluni Kalaallit Nunaanni ingerlanneqartunut, peqqussummi §§ 27, 27 a imal. 27 b naapertorlugit 1. april 2024 sioqqullugu akuerineqarlutik uppersaaserneqarsimasunut.

*Social-, Bolig- og Ældreministeriet, ulloq*